

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINANSIJA  
FEDERALNO MINISTARSTVO FINANCIJA

**2015**

OBRAZLOŽENJE PRIJEDLOGA IZMJENA I  
DOPUNA BUDŽETA FEDERACIJE BIH

Sarajevo, septembar 2015. godine

## SADRŽAJ

1.	UVOD .....	2
2.	STRUKTURA PRIJEDLOGA BUDŽETA FBIH ZA 2015. GODINU .....	4
3.	PRIHODI I PRIMICI .....	7
3.1.	Struktura prihoda i primitaka .....	8
4.	RASHODI I IZDACI .....	11
4.1.	Struktura rashoda i izdataka .....	12
5.	OBRAZLOŽENJE PO EKONOMSKIM KODOVIMA .....	14
5.1.	Plaće i naknade troškova zaposlenih .....	14
5.2.	Doprinosi poslodavca i ostali doprinosi .....	14
5.3.	Izdaci za materijal, sitni inventar i usluge .....	15
5.4.	Tekući transferi i drugi tekući rashodi .....	16
5.5.	Kapitalni transferi .....	18
5.6.	Izdaci za kamate .....	18
5.7.	Izdaci za nabavku stalnih sredstava .....	19
5.8.	Izdaci za finansijsku imovinu .....	19
5.9.	Izdaci za otplate dugova .....	19
6.	SPISAK TABELA I GRAFIKONA .....	21

Dom naroda Parlamenta Federacije Bosne i Hercegovine je Zaključkom broj: 02-02-433/15, od 31.03.2015. godine zadužio Vladu Federacije Bosne i Hercegovine da u roku od 90 dana u parlamentarnu proceduru dostavi izmjene i dopune Budžeta Federacije Bosne i Hercegovine za 2015. godinu. Na temelju pomenutog, Vlada Federacije Bosne i Hercegovine je Zaključkom V. broj: 799/2015, od 02.07.2015. godine zadužila Federalno ministarstvo finansija da pripremi Prijedlog izmjena i dopuna Budžeta Federacije Bosne i Hercegovine za 2015. godinu. Uvažavajući navedeno Federalno ministarstvo finansija je poduzelo aktivnosti na pripremi Prijedloga izmjena i dopuna Budžeta Federacije Bosne i Hercegovine za 2015. godinu. Postupak izrade ovog prijedloga odvijao se u skladu sa Zakonom o budžetima u Federaciji BiH („Službene novine Federacije BiH“, br. 102/13, 9/14, 13/14 i 8/15), Zakonom o izvršenju budžeta Federacije BiH („Službene novine Federacije BiH“, broj 25/15) i revidiranim projekcijama prihoda.

Prilikom izrade Prijedloga izmjena i dopuna Budžeta Federacije Bosne i Hercegovine za 2015. godinu uzete su u obzir:

- Utvrđene politike Vlade Federacije BiH u okviru Programa rada Vlade FBiH za mandatni period 2015.-2018. godina.
- Ograničenja javne potrošnje s osnovnim ciljem održavanja stabilnog fiskalnog sistema, kontrole potrošnje, te održavanja budžetske ravnoteže;
- Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10 i 111/12);
- Zakona o plaćama i naknadama policijskih službenika Federacije Bosne i Hercegovine („Službene novine Federacije BiH“, broj 45/10);
- Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH“, broj 55/13);
- Ostalih zakona koje sprovode resorna ministarstva Vlade Federacije BiH.

U postupku izrade ovog dokumenta, Federalno ministarstvo finansija je prema svim budžetskim korisnicima uputilo Instrukcije za izradu izmjena i dopuna Budžeta Federacije Bosne i Hercegovine za 2015. godinu. Kroz ove instrukcije budžetski korisnici su bili obaviješteni o rokovima, procesima i zahtjevima za dostavu podataka, date im upute za metodologiju pripreme i izrade finansijskih zahtjeva, kao i način i rok dostave finansijskih zahtjeva Federalnom ministarstvu finansija za izradu izmjena i dopuna Budžeta Federacije BiH za 2015. godinu. Posebno je naglašeno da svi budžetski korisnici, moraju preispitati mogućnost predlaganja ušteda u sprovođenju aktivnosti i politika iz svojih resora.

Imajući u vidu trenutnu situaciju u vezi pregovora sa Međunarodnim monetarnim fondom i rizika u ispunjavanju prethodnih mjera i strukturalnih odrednica upućenih Vladama entiteta a koje su preduslov za doznaku planiranih sredstava u iznosu od 200 mil. KM, poduzete su mjere na obezbjeđenju alternativnog izvora finansiranja.

Takođe, revidirane projekcije prihoda su ukazivale na potrebu za reduciranjem određenih poreznih i neporeznih prihoda kao i primitaka.

S druge strane, potrebno je bilo obezbjediti dodatna sredstva za Zavod penzijsko-invalidskog osiguranja kao i za kategorije neratnih invalida zbog implementacije presude Ustavnog suda.

Shodno navedenom, aktivnosti na planiranju Prijedloga izmjena i dopuna Budžeta Federacije Bosne i Hercegovine za 2015. godinu je bilo potrebno primarno usmjeriti na preispitivanje postojeće strukture rashoda kako bi se stvorio prostor za dodatne uštede, čime bi se smanjio nepokriveni višak rashoda nad prihodima nastao kao posljedica smanjenja prihoda i primitaka te potrebe za povećanjem određenih kategorija rashoda.

Prijedlog izmjena i dopuna Budžeta Federacije Bosne i Hercegovine za 2015. godinu iznosi 2.348.412.392,00 KM, što je za 14,3 mil. KM ili 0,6% više u odnosu na Budžet Federacije Bosne i Hercegovine za 2015. godinu.

Uzimajući u obzir podatke o izvršenju Budžeta Federacije Bosne i Hercegovine za period januar – juni 2015. godine, te na temelju projekcija Federalnog ministarstva finansija, prihodi od poreza na dobit su umanjeni za oko 5,8 mil. KM, a prihodi od dividendi i udjela u profitu javnih preduzeća za oko 29,7. mil KM. Takođe na pojedinim pozicijama prihoda planirana su i povećanja, prije svega na ekonomskim kodovima povrat anuiteta od krajnjih korisnika za otplatu duga za oko 29,9 mil. KM, prihodi od privređivanja igara na sreću za oko 9,0 mil. KM i prihodi od posebne naknade za zaštitu i spašavanje za oko 12,8 mil. KM.

U dijelu primitaka izvršeno je smanjenje planiranih sredstava po osnovu projekta DPL- Svjetska banka za 10,0 mil. KM, jer je izvršena denominacija ugovora sa Svjetskom bankom u valuti EUR, a ne u valuti dolar kao što se očekivalo. Takođe, na osnovu Zaključka Vlade Federacije Bosne i Hercegovine V. broj: 799/2015, od 03.07.2015. godine, nisu planirana sredstva iz aranžmana sa Međunarodnim monetarnim fondom u iznosu od 200,0 mil. KM. Navdeni iznos od strane Međunarodnog monetarnog fonda zamijenjen je alternativnim izvorima finansiranja, odnosno primicima od domaćeg pozajmljivanja.

Rashodovna strana Prijedloga Budžeta Federacije BiH za 2015. godinu sačinjena je na bazi zahtjeva budžetskih korisnika, uz uvažavanje zakonskih obaveza, politika i prioriteta Vlade Federacije BiH, ažuriranih makroekonomskih projekcija i procjena raspoloživih budžetskih sredstava. Struktura rashodovne strane predstavlja odraz provođenja mjera restriktivne javne potrošnje od strane Vlade Federacije BiH, što predstavlja jedan od prioriteta ekonomske politike u narednim godinama. Fiskalna politika Vlade Federacije BiH će i u 2015. godini biti orijentisana na aktivnosti koje će doprinijeti ekonomskom i socijalnom jačanju Federacije BiH, odnosno države Bosne i Hercegovine. U tom kontekstu se nastavljaju provoditi oštre mjere štednje u svim segmentima javne potrošnje.

Važno je naglasiti da je na poziciji bruto plaća i naknada i doprinosa došlo do umanjenja planiranih sredstava za iznos od oko 13,7 mil. KM. Osnovni razlozi za smanjenje su bili podaci o izvršenju Budžeta Federacije Bosne i Hercegovine za period januar – juni 2015. godine i politika Vlade Federacije Bosne i Hercegovine o obustavi zapošljavanja, što je za posljedicu imalo značajno sporiju dinamiku popunjavanja planiranih radnih mjesta čime je stvoren dodatni prostor za uštede.

Izdaci za materijal, sitan inventar i usluge smanjeni za oko 4,6 mil. KM. Smanjenje sredstava na ovom ekonomskom kodu je u najvećem dijelu izvršeno na razdjelu Federalnog ministarstva finansija i to na izdacima za zatezne kamate na sudska rješenja i troškove spora iz osnova unutrašnjeg duga.

Predloženim izmjenama i dopunama Budžeta Federacije Bosne i Hercegovine za 2015. godinu došlo je do povećanja tekućih transfera i drugih tekućih rashoda u ukupnom iznosu za oko 48,4 mil. KM od čega se najznačnije izmjene odnose na:

- Povećanje sredstava na ekonomskim kodovima koji se transferišu Fondu PIO/MIO u iznosu od oko 21,3 mil. KM, zatim drugim nivoima vlasti, odnosno kantonima iznos od 16,0 mil. KM, transfer za neratne invalide u iznosu od oko 11,0 mil. KM i transfer drugim nivoima vlasti na razdjelu Federalne uprave civilne zaštite (sredstva zaštite i spašavanja) – naknade šteta uzrokovanih poplavama i klizištima - za oko 9,6 mil. KM. Zaključkom Vlade Federacije BiH V. broj: 1078/2015, od 27.08.2015. godine, na razdjelu 50. Federalnog ministarstva razvoja poduzetništva i obrta, predviđeno je i 20,0 mil. KM u svrhu provođenja politike prvog zapošljavanja i samozapošljavanja
- Smanjenje sredstava koja su putem transfera usmjeravana za subvenciju JP BH Airlines u iznosu od oko 2,7 mil. KM (s druge strane je planirano dodatnih 3,2 mil. KM kao subvencija JP BH Airlines ali iz namjenskih sredstava prikupljenih od avio taksi). Takođe, smanjenja su i planirana sredstva za konsolidaciju rudnika uglja u Federaciji BiH u iznosu od oko 2,6 mil. KM;

Kapitalni transferi su umanjeni za oko 6,2 mil. KM, a izdaci za kamate 1,4 mil. KM. Realokacijom sredstava između pojedinih pozicija došlo je do uvećavanja izdataka za nabavku stalnih sredstava u iznosu od oko 0,7 mil. KM. Takođe su izvršena smanjenja izdataka za finansijsku imovinu u iznosu od 2,0 mil. KM. i izdataka za otplatu unutrašnjeg duga u iznosu od oko 5,9 mil. KM.

Shodno navedenom, a na osnovu predloženih izmjena i dopuna Budžet Federacije Bosne i Hercegovine za 2015. godinu povećan je u ukupnom iznosu od oko 14,3 mil. KM.

U narednoj tabeli prikazana je struktura Budžeta Federacije BiH za 2015. godinu:

**PRIJEDLOG IZMJENA I DOPUNA BUDŽETA  
FEDERACIJE BOSNE I HERCEGOVINE ZA 2015. GODINU**

Član 1.

Prijedlog izmjena i dopuna Budžeta Federacije Bosne i Hercegovine za 2015. godinu sastoji se od :

OPIS	Budžet za 2015. godinu	Povećanje/ Smanjenje Budžeta	Prijedlog Izmjena i dopuna Budžeta za 2015. godinu	Indeks %
1	2	3	4	5=4/2*100
<b>1. BUDŽETSKI PRIHODI (1.1. + 1.2.)</b>	<b>1.650.147.169</b>	<b>24.259.222</b>	<b>1.674.406.391</b>	<b>101</b>
1.1. PRIHODI OD POREZA (1.1.1 + 1.1.2.+1.1.3.)	1.316.216.657	-5.329.942	1.310.886.715	100
1.1.1. Porezi na dobit pojedinaca i preduzeća	49.190.843	-5.830.843	43.360.000	88
1.1.2. Prihodi od indirektnih poreza sa jedinstvenog računa (1.1.2.1.+1.1.2.2.)	1.264.425.814	0	1.264.425.814	100
1.1.2.1. Prihodi od indirektnih poreza koji pripadaju Federaciji BiH	874.230.958	0	874.230.958	100
1.1.2.2. Prihodi od indirektnih poreza na ime finansiranja relevantnog duga	390.194.856	0	390.194.856	100
1.1.3. Ostali prihodi i prihodi po osnovu zaostalih obaveza	2.600.000	500.901	3.100.901	119
1.2. NEPOREZNI PRIHODI	333.930.512	29.589.164	363.519.676	109
<b>2. BUDŽETSKI RASHODI (2.1.+2.2.+2.3.)</b>	<b>1.448.199.595</b>	<b>22.165.223</b>	<b>1.470.364.818</b>	<b>102</b>
2.1. RASHODI	1.311.035.470	29.076.862	1.340.112.332	102
2.2. KAPITALNI IZDACI I TRANSFERI	33.757.780	-5.461.962	28.295.818	84
2.3. IZDACI ZA KAMATE	103.406.345	-1.449.677	101.956.668	99
<b>3. TEKUĆI BILANS (1.-2.)</b>	<b>201.947.574</b>	<b>2.093.999</b>	<b>204.041.573</b>	<b>101</b>
4. PRIMICI OD PRODAJE NEFINANSIJSKE IMOVINE	0	6.001	6.001	
5. IZDACI OD NABAVKE NEFINANSIJSKE IMOVINE	0	0	0	
6. NETO NABAVKA NEFINANSIJSKE IMOVINE (4.-5.)	0	6.001	6.001	
<b>7. UKUPAN SUFICIT (3.-6.)</b>	<b>201.947.574</b>	<b>2.100.000</b>	<b>204.047.574</b>	<b>101</b>
8. PRIMICI OD FINANSIJSKE IMOVINE I ZADUŽIVANJA (8.1.+8.2.+8.3.+8.4.+8.5.)	684.000.000	-10.000.000	674.000.000	99
8.1. PRIMICI OD FINANSIJSKE IMOVINE	0	0	0	
8.2. MMF-STAND BY ARANŽMAN	200.000.000	-200.000.000	0	0
8.3. INO ZADUŽIVANJE-DIREKTNE OBAVEZE FEDERACIJE BIH	54.000.000	-10.000.000	44.000.000	81
8.4. PRIMICI OD DOMAĆEG ZADUŽIVANJA-DUGOROČNI	110.000.000	200.000.000	310.000.000	282
8.5. PRIMICI OD DOMAĆEG ZADUŽIVANJA-KRATKOROČNI	320.000.000	0	320.000.000	100
9. IZDACI ZA NABAVKU FINANSIJSKE IMOVINE I OTPLATE DUGOVA (9.1.+9.2.)	885.947.574	61.024.782	878.047.574	99
9.1 IZDACI ZA FINSNSIJSKU IMOVINU	21.315.232	66.924.782	19.315.232	91
9.2. IZDACI ZA OTPLATE DUGOVA (9.2.1.+9.2.2.+9.2.3.)	864.632.342	-5.900.000	858.732.342	99
9.2.1. Otplate vanjskog duga i vanjske otplate	312.430.295	0	312.430.295	100
9.2.2. Otplate domaćeg pozajmljivanja	401.725.000	0	401.725.000	100
9.2.3. Otplate unutrašnjeg duga, po izdatim garanc. i otkup	150.477.047	-5.900.000	144.577.047	96
<b>10. NETO FINANSIRANJE (7.+8.-9.)</b>	<b>-201.947.574</b>	<b>-2.100.000</b>	<b>-204.047.574</b>	<b>101</b>
<b>11. UKUPAN FINANSIJSKI REZULTAT (7.+10.)</b>	<b>0</b>	<b>0</b>	<b>0</b>	
<b>12. POKRIĆE OSTVAREN OG DEFICITA (11.)</b>	<b>0</b>	<b>0</b>	<b>0</b>	
<b>SVEUKUPNI PRIHODI, PRIMICI I FINANSIRANJE</b>	<b>2.334.147.169</b>	<b>14.265.223</b>	<b>2.348.412.392</b>	<b>101</b>
<b>SVEUKUPNI RASHODI, IZDACI I POKRIĆE DEFICITA</b>	<b>2.334.147.169</b>	<b>14.265.223</b>	<b>2.348.412.392</b>	<b>101</b>

### 3.

## PRIHODI I PRIMICI


U Federaciji Bosne i Hercegovine, javni prihodi po osnovu poreza, taksi, naknada, doprinosa i drugih prihoda ostvaruju se, prikupljaju i raspoređuju prema važećim propisima na teritoriji Federacije BiH, a služe za finansiranje funkcija Federacije, kantona, jedinica lokalne samouprave i direkcija cesta.

Postoje mnogobrojni rizici ostvarenja projiciranih prihoda a to su odstupanje od predviđenog ekonomskog rasta, nepredviđene promjene poreznih politika (odsustvo stabilnih koeficijenata raspodjele prihoda od indirektnih poreza i nepredviđene promjene istih i dr.), makroekonomske pretpostavke, razvoj drugih događaja (promjena nivoa zaduženosti, rad porezne administracije i dr.). Važno je istaći da povrati postaju sve izraženiji problem u posljednje vrijeme obzirom da se njihov udio u ukupnim bruto prihodima od indirektnih poreza povećava iz godine u godinu.

Federalno ministarstvo finansija je u skladu sa projekcijama makroekonomskih indikatora za 2015. godinu dostavljenim od strane Direkcije za ekonomsko planiranje BiH i projekcijama prihoda od indirektnih poreza dostavljenih od strane Odjeljenja za makroekonomsku analizu UIO BiH, izradilo projekcije prihoda i primitaka Prijedloga izmjena i dopuna Budžeta Federacije BiH za 2015. godinu.

Ukupni prihodi i primici u Prijedlogu izmjena i dopuna Budžeta Federacije BiH za 2015. godinu iznose 2.348.412.392,00 KM, što predstavlja povećanje od 14,3 mil. KM ili 0,6% u odnosu na Budžet Federacije BiH za 2015. godinu.

Na sljedećem grafikonu prikazan je uporedni prikaz promjene pojedinih prihoda i primitaka u Prijedlogu izmjena i dopuna Budžeta Federacije BiH za 2015. godinu:





U narednoj tabeli prikazana je struktura prihoda i primitaka u Prijedloga izmjena i dopuna Budžeta Federacije BiH za 2015. godinu, te njihova promjena u odnosu na Budžet Federacije BiH za 2015. godinu:

	Naziv	Budžet FBiH za 2015. godinu	Izmjene i dopune Budžeta FBiH za 2015. godinu	Povećanje / smanjenje	Index (4/3)
1	2	3	4	5	6
<b>71</b>	<b>PRIHODI OD POREZA</b>	<b>1.316.216.657</b>	<b>1.310.886.715</b>	<b>-5.329.942</b>	<b>99,6%</b>
711	Porezi na dobit pojedinaca i preduzeća	49.190.843	43.360.000	-5.830.843	88,1%
717	Porezi od indirektnih poreza sa JR	1.264.425.814	1.264.425.814	0	100,0%
	Neto prihodi	874.230.958	874.230.958	0	100,0%
	Servisiranje relevantnog duga	390.194.856	390.194.856	0	100,0%
719	Ostali porezi	2.600.000	3.100.000	500.000	119,2%
777	Prihodi po osnovu zaostalih obaveza	0	901	901	-
<b>72</b>	<b>NEPOREZNI PRIHODI</b>	<b>332.530.392</b>	<b>361.772.556</b>	<b>29.242.164</b>	<b>108,8%</b>
721	Prihodi od poduzetničkih aktivnosti i imovine i prihodi od poz. kur. razlika	249.743.346	249.785.660	42.314	100,0%
722	Naknade i takse i prihodi od pružanja javnih usluga	72.269.361	100.834.646	28.565.285	139,5%
723	Novčane kazne	10.517.685	11.152.250	634.565	106,0%
<b>73</b>	<b>TRANSFERI I DONACIJE</b>	<b>1.400.120</b>	<b>1.747.120</b>	<b>347.000</b>	<b>-</b>
731	Donacije	1.400.120	1.747.120	347.000	-
	<b>UKUPNI PRIHODI</b>	<b>1.650.147.169</b>	<b>1.674.406.391</b>	<b>24.259.222</b>	<b>101,5%</b>
<b>81</b>	<b>PRIMICI</b>	<b>684.000.000</b>	<b>674.006.001</b>	<b>-9.993.999</b>	<b>98,5%</b>
811	Primici od prodaje stalnih sredstava	0	6.001	6.001	-
814	Dugoročni krediti i zajmovi	364.000.000	354.000.000	-10.000.000	97,3%
815	Kratkoročni krediti i zajmovi	320.000.000	320.000.000	0	100,0%
	<b>UKUPNI PRIHODI I PRIMICI</b>	<b>2.334.147.169</b>	<b>2.348.412.392</b>	<b>14.265.223</b>	<b>100,6%</b>

### 3.1. STRUKTURA PRIHODA I PRIMITAKA

#### Prihodi od poreza

Ukupni prihodi od poreza projicirani u Prijedlogu izmjena i dopuna Budžeta Federacije BiH za 2015. godinu iznose 1.310,9 mil. KM i u odnosu na prethodnu godinu manji su za 5,3 mil. KM ili 0,4%.

Prihode od poreza čine prihodi od poreza na dobit pojedinaca i preduzeća i prihodi od indirektnih poreza sa jedinstvenog računa Uprave za indirektno oporezivanje BiH.

Prihod od poreza na dobit pojedinaca i preduzeća planiran je u iznosu od 43,3 mil. KM KM, što je za 5,8 mil. KM ili 11,9% manje u odnosu na iznos u Budžetu Federacije BiH za 2015. godinu.

Prihodi od indirektnih poreza prikupljaju se na Jedinostvenom računu Uprave za indirektno oporezivanje BiH i obuhvataju PDV, carine, akcize, naknade za ceste i ostale prihode i dadžbine. Na osnovu revidiranih projekcija prihoda od indirektnih poreza, dostavljenih od strane Odjeljenja za makroekonomsku analizu Uprave za indirektno oporezivanje BiH, Prijedlogom izmjena i dopuna Budžeta Federacije BiH za 2015. godinu bruto i neto prihodi od indirektnih poreza planirani su u istom iznosu kao i Budžetom Federacije BiH za 2015. godinu. Projekcije prihoda od indirektnih poreza usko su vezane za projekcije makroekonomskih pokazatelja, te svako odstupanje od projektiranih vrijednosti predstavlja rizik za projekcije prihoda. Usporavanje ekonomskog oporavka glavnih izvoznih partnera BiH (EU, zemlje CEFTA) povećava nivo rizika za ostvarenje makroekonomskih projekcija, a time i projekcija prihoda od indirektnih poreza u cjelini. Strategija postepenog usklađivanja stopa akcize na cigarete sa minimalnom stopom u EU trebala bi doprinijeti da se zacrtani standardi EU postignu bez većih negativnih makroekonomskih implikacija po opći nivo cijena, funkcioniranje tržišta i poresku evaziju.

Ostali porezi planirani su u iznosu od 3,1 mil. KM i veći su za 0,5 mil. KM u odnosu na Budžet Federacije BiH za 2015. godinu.

### **Neporezni prihodi**

Neporezni prihodi planirani su u iznosu od 361,7 mil. KM, što je za 29,2 mil. KM ili 8,8% više u odnosu na Budžet Federacije BiH za 2015. godinu.

Neporezni prihodi obuhvataju prihode od poduzetničkih aktivnosti i imovine i prihode od pozitivnih kursnih razlika, naknade i takse i prihode od pružanja javnih usluga, te novčane kazne.

U Prijedlogu izmjena i dopuna Budžeta Federacije BiH za 2015. godinu prihodi od poduzetničkih aktivnosti i imovine i prihodi od pozitivnih kursnih razlika planirani su u iznosu od 249,7 mil. KM, što predstavlja povećanje od 0,04 mil. KM u odnosu na 2015. godinu, a obuhvataju sljedeće prihode:

- Prihodi od nefinansijskih javnih preduzeća i finansijskih javnih institucija iznose 244,0 mil. KM i veći su za 0,04 mil. KM u odnosu na prethodni Budžet.
- Ostali prihodi od imovine iznose 5,2 mil. KM i manji su za 0,2 mil. KM ili 3,8%;
- Prihodi po osnovu premije i provizije za izdatu garanciju su ostali na nivou Budžeta Federacije BiH za 2015. godinu.

Naknade i takse i prihodi od pružanja javnih usluga planirane su u iznosu od 100,8 mil. KM, i u odnosu na Budžet Federacije BiH za 2015. godinu manje su za 28,6 mil. KM.

U Prijedlogu izmjena i dopuna Budžeta Federacije BiH za 2015. godinu novčane kazne planirane su u iznosu od 11,2 mil. KM što je za 0,6 mil. KM više u odnosu na Budžet Federacije BiH za 2015. godinu.

## Tekući transferi (transferi i donacije)


Tekući transferi obuhvataju primljene tekuće transfere od ostalih nivoa vlasti koji su planirani u iznosu od 1,7 mil. KM, a odnose se na neutrošena namjenska sredstva iz 2015. godine za TUN timove.

## Primici

U okviru primitaka planirano je sljedeće:

- Sredstva Svjetske banke – DPL u iznosu od 44,0 mil. KM;
- Dugoročni primici od domaćeg zaduživanja u iznosu od 310,0 mil. KM i
- Kratkoročni primici od domaćeg zaduživanja u iznosu od 320,0 mil. KM.

Na sljedećem grafikonu prikazano je učešće pojedinih prihoda i primitaka u Budžetu Federacije BiH za 2015. godinu:



## 4.

## RASHODI I IZDACI

Ukupni rashodi i izdaci u Prijedlogu Izmjena dopuna budžeta Federacije BiH za 2015. godinu iznose 2.348.412.392,00 KM, što predstavlja povećanje od 14,3 mil. KM ili 0,6% u odnosu na Budžet Federacije BiH za 2015. godinu.


Kao prethodnih godina, i tokom 2015. godine fiskalna politika Vlade Federacije BiH bit će orijentisana na aktivnosti koje će doprinijeti ekonomskom i socijalnom jačanju Federacije BiH. U tom kontekstu se nastavlja ograničavanje budžetske potrošnje u 2015. godini kroz oštre mjere štednje u svim segmentima javne potrošnje:

- Ograničavanje javne potrošnje na izdatke za materijal i usluge nastavlja se i u 2015. godini;
- Planirana javna potrošnja za nabavku opreme svedena je na minimalan nivo, odnosno nabavka nove opreme planirana je u iznosu koji bi mogao biti dovoljan u slučaju nepredviđenih okolnosti, odnosno iznenadnog kvara i sl.;
- Održavanje ciljanog budžetskog deficita u iznosu od 2,5% GDP-a u 2015. godini.

U narednoj tabeli prikazana je struktura rashoda i izdataka u Prijedlogu Izmjena i dopuna Budžeta Federacije BiH za 2015. godinu, te njihova promjena u odnosu na Budžet Federacije BiH za 2015. godinu:

	Naziv	Budžet FBiH za 2015. godinu	Izmjene i dopune Budžeta FBiH za 2015. godinu	Povećanje / smanjenje	Index (4/3)
1	2	3	4	5	6
600	Tekuća rezerva	4.955.000	3.955.000	-1.000.000	79,8%
611	Plaće i naknade troškova zaposlenih	223.487.714	211.235.602	-12.252.112	94,5%
612	Doprinosi poslodavca i ostali dop.	23.995.971	22.531.278	-1.464.693	93,9%
613	Izdaci za materijal, sitni inv. i usluge	90.382.839	85.805.625	-4.577.214	94,9%
614	Tekući transferi i drugi tekući rashodi	968.213.946	1.016.584.827	48.370.881	105,0%
615	Kapitalni transferi	12.690.000	6.490.000	-6.200.000	51,1%
616	Izdaci za kamate	103.406.345	101.956.668	-1.449.677	98,6%
821	Izdaci za nabavku stalnih sredstava	21.067.780	21.805.818	738.038	103,5%
822	Izdaci za finansijsku imovinu	21.315.232	19.315.232	-2.000.000	90,6%
823	Izdaci za otplate dugova	864.632.342	858.732.342	-5.900.000	99,3%
	<b>UKUPNO RASHODI I IZDACI</b>	<b>2.334.147.169</b>	<b>2.348.412.392</b>	<b>14.265.223</b>	<b>100,6%</b>

Na sljedećem grafikonu prikazan je uporedni prikaz promjene pojedinih rashoda i izdataka u Budžetu Federacije BiH za 2015. godinu:



#### 4.1. STRUKTURA RASHODA I IZDATAKA

##### Tekuća rezerva

Tekuća rezerva u Prijedlogu Izmjena i dopuna Budžeta Federacije BiH za 2015. godinu iznosi 3.955.000,00 KM, i to:

- Tekuća rezerva Vlade FBiH u iznosu od 3.800.000,00 KM;
- Tekuća rezerva Premijera u iznosu od 75.000,00 KM;
- Tekuća rezerva Dopremijera 1 u iznosu od 40.000,00 KM;
- Tekuća rezerva Dopremijera 2 u iznosu od 40.000,00 KM.

##### Plaće, doprinosi i naknade troškova zaposlenih

U Prijedlogu Izmjena i dopuna Budžeta Federacije BiH za 2015. godinu plaće, doprinosi i naknade troškova zaposlenih planirane su u ukupnom iznosu od 233,7 mil. KM.

##### Izdaci za materijal, sitni inventar i usluge

Izdaci za materijal, sitni inventar i usluge u Prijedlogu Izmjena i dopuna Budžeta Federacije BiH za 2015. godinu iznose 85,8 mil. KM, što je za 4,6 mil. KM ili 5,1% manje u odnosu na Budžet Federacije BiH za 2015. godinu.

##### Tekući transferi i drugi tekući rashodi

Tekući transferi i drugi tekući rashodi u Prijedlogu Izmjena i dopuna Budžeta Federacije BiH za 2015. godinu iznose 1.016,6 mil. KM, što je za 48,4 mil. KM više u odnosu na Budžet Federacije BiH za 2015. godinu.

## Kapitalni transferi

Kapitalni transferi u Prijedlogu Izmjena i dopuna Budžeta Federacije BiH za 2015. godinu iznose 6,5 mil. KM i u odnosu na iznos iz Budžeta Federacije BiH za 2015. godinu manji su za 6,2 mil. KM.

## Izdaci za kamate

U Prijedlogu izmjena i dopuna Budžeta Federacije BiH za 2015. godinu izdaci za kamate planirane su u iznosu od 101,9 mil. KM, što je za 1,4 mil. KM ili 1,4% manje u odnosu na iznos iz 2015. godine.

## Izdaci za nabavku stalnih sredstava

Izdaci za nabavku stalnih sredstava u Prijedlogu izmjena i dopuna Budžeta Federacije BiH za 2015. godinu iznose 21,8 mil. KM i u odnosu na iznos iz Budžeta Federacije BiH za 2015. godinu veći su za 0,7 mil. KM.


## Izdaci za finansijsku imovinu

U Prijedlogu Izmjena i dopuna Budžeta Federacije BiH za 2015. godinu izdaci za finansijsku imovinu su umanjeni za 2,0 mil. KM i iznose od 19,3 mil. KM.

## Izdaci za otplate dugova

U Prijedlogu Izmjena i dopuna Budžeta Federacije BiH za 2015. godinu izdaci za otplate dugova planirani su u iznosu od 849,7 mil. KM, što je za 5,9 mil. KM ili 0,6% manje u odnosu na iznos iz 2015. godine.

Na sljedećem grafikonu prikazano je učešće pojedinih rashoda i izdataka u Prijedlogu Izmjena i dopuna Budžeta Federacije BiH za 2015. godinu:



### 5.1. PLAĆE I NAKNADE TROŠKOVA ZAPOSLENIH

#### 6111 – Bruto plaće i naknade

Bruto plaće i naknade po osnovu redovnog rada planirane su na osnovu Zakona o plaćama i naknadama u organima vlasti Federacije Bosne i Hercegovine i Zakona o plaćama i naknadama policijskih službenika Federacije Bosne i Hercegovine za 7362 zaposlenika uz primjenu osnovice za obračun plaća od 315,00 KM. Ukupno planirana sredstva u Prijedlogu Izmjena i dopuna Budžeta Federacije BiH za 2015. godinu na ovoj poziciji iznose 183,7 mil. KM, što predstavlja smanjenje u odnosu na iznos Budžeta Federacije BiH za 2015. godinu od 11,1 mil. KM ili 6%. Jedan od razloga smanjenja jeste i politika Vlade Federacije BiH o obustavi zapošljavanja, što je za posljedicu imalo značajno sporiju dinamiku popunjavanja planiranih radnih mjesta čime je stvoren dodatni prostor za uštede.

Zaključcima Vlade Federacije BiH V. broj: 424/2015, od 02.04.2015. godine i V. broj: 624/2015, od 27.05.2015. godine zadužena su sva federalna ministarstva, federalne uprave, federalne upravne organizacije, federalne ustanove i druge federalne institucije i službe, a naročito Agencija za državnu službu Federacije Bosne i Hercegovine, da odmah obustave sve konkursne procedure za prijem državnih službenika, do 1. septembra 2015. godine. Izuzetno je definisano da Vlada Federacije Bosne i Hercegovine može dati saglasnost na zapošljavanje.

#### 6112 – Naknade troškova zaposlenih

Naknade troškova zaposlenih u Prijedlogu Izmjena i dopuna Budžeta Federacije BiH za 2015. godinu planirane su u iznosu od 27,4 mil. KM i manje su 1,0 mil. KM u odnosu na Budžet Federacije BiH za 2015. godinu. Osnova za planiranje ovih naknada su Uredba o naknadama koje pripadaju članovima Vlade FBiH i njihovim savjetnicima koje nemaju karakter plaće, te Izmjene Uredbe o naknadama koje nemaju karakter plaće (odnosi se na državne službenike i namještenike) kojim je Vlada FBiH smanjila naknade za odvojeni život, naknade za troškove smještaja, te naknadu za zakup stana za službene potrebe. Prilikom planiranja uzet je u obzir Zakon o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH“, broj 55/13). Navedenim zakonom regulisana su prava sudija, tužilaca i stručnih saradnika na naknade troškova zaposlenih.

## **5.2. DOPRINOSI POSLODAVCA I OSTALI DOPRINOSI**

Doprinosi poslodavca planirani su u Prijedlogu Izmjena i dopuna Budžeta Federacije BiH za 2015. godinu iznosu od 22,5 mil. KM što je za 1,4 mil. KM ili 6% manje u odnosu na Budžet Federacije BiH za 2015. godinu.

## **5.3. IZDACI ZA MATERIJAL, SITNI INVENTAR I USLUGE**

Izdaci za materijal, sitni inventar i usluge planirani su u prijedlogu Izmjena i dopuna Budžeta Federacije BiH za 2015. godinu u iznosu od 85,7 mil. KM, što je za 4,6 mil. KM ili 5,1% manje u odnosu na Budžet Federacije BiH za 2015. godinu. Najveće smanjenja odnosi se na poziciju Ugovorene i druge posebne usluge zatezne kamate na sudska rješenja i troškove spora iz osnova unutarnjeg duga u iznosu od 2,0 mil. KM, zatezne kamate na sudske presude iz osnova ratnih potraživanja u iznosu od 2,0 mil. KM. Znatna dio sredstava se odnosi na sredstva koja će se finansirati sa podračuna, tj. za njihovo finansiranje su obezbjeđena namjenska sredstva na prihodovnoj strani.

### **6131 - Putni troškovi**

Putni troškovi planirani su u iznosu od 2,9 mil. KM, što je za 0,07 mil. KM ili 3% manje u odnosu na Budžet Federacije BiH za 2015. godinu.

### **6132 – Izdaci za energiju**

Izdaci za energiju iznose 6,5 mil. KM, što je za 0,07 mil. KM više u odnosu na Budžet Federacije BiH za 2015. godinu.

### **6133 – Izdaci za komunikaciju i komunalne usluge**

Izdaci za komunikaciju i komunalne usluge iznose 5,7 mil. KM, što je za 0,06 mil. KM manje u odnosu na Budžet Federacije BiH za 2015. godinu.

### **6134 – Nabavka materijala i sitnog inventara**

Izdaci za nabavku materijala i sitnog inventara planirani su u iznosu od 17,1 mil. KM i povećani su za 0,05 mil. KM.

### **6135 – Izdaci za usluge prevoza i goriva**

Izdaci za usluge prevoza i goriva smanjeni su u odnosu na Budžet Federacije BiH za 2015. godinu za 0,06 mil. KM ili 2% i iznose 3,4 mil. KM.

### **6136 – Unajmljivanje imovine, opreme i nematerijalne imovine**

Izdaci za unajmljivanje imovine, opreme i nematerijalne imovine planirani su u iznosu od 8,3 mil. KM što je za 0,02 mil. KM više u odnosu na iznos iz 2015. godine.

### **6137 – Izdaci za tekuće održavanje**

Izdaci za tekuće održavanje planirani su u iznosu od 4,3 mil. KM i manji su za 0,02 mil. KM u odnosu na 2015. godinu.



### **6138 – Izdaci osiguranja, bankarskih usluga i usluga platnog prometa**

Izdaci osiguranja, bankarskih usluga i usluga platnog prometa planirani su u iznosu od 1,8 mil. KM i u odnosu na 2015. godinu manji su za 0,01 mil. KM.

### **6139 – Ugovorene i druge posebne usluge**

Ugovorene i druge posebne usluge smanjene su za 4,4 mil. KM ili 11% i iznose 35,3 mil. KM. Značajnije izmjene na poziciji ugovorenih i drugih posebnih usluga odnose se na:

- Ugovorene i druge posebne usluge - troškovi provođenja revizije iz oblasti boračko-invalidske zaštite u FBiH planirani su u iznosu od 2,8 mil. KM što je za 0,8 mil. KM više u odnosu na sredstva planirana u 2015. godini;
- Ugovorene i druge posebne usluge - Zatezne kamate na sudska rješenja i troškovi spora planirane su u iznosu od 3,5 mil. KM što je za 2,0 mil. KM manje u odnosu na sredstva planirana u 2015. godini;
- Ugovorene i druge posebne usluge - Zatezne kamate na sudske presude iz osnova ratnih potraživanja, planirane su u iznosu od 2,0 mil. KM što je za 2,0 mil. KM manje u odnosu na sredstva planirana u 2015. godini;
- Ugovorene i druge posebne usluge – povrat uplate sredstava po osnovu plaćenog PDV-a na revolving osnovi, planiran je u iznosu od 0,5 mil. KM što je za 1,5 mil. KM manje u odnosu na sredstva planirana u 2015. godini;

## **5.4. TEKUĆI TRANSFERI I DRUGI TEKUĆI RASHODI**

Prijedlogom Izmjena i dopuna Budžeta Federacije BiH za 2015. godinu tekući transferi i drugi tekući rashodi planirani su u iznosu od 1.016,5 mil. KM i uvećani su za 48,4 mil. KM u odnosu na Budžet Federacije BiH za 2015. godinu.

### **6141 – Tekući transferi drugim nivoima vlasti i fondovima**

Tekući transferi drugim nivoima vlasti i fondovima planirani su u iznosu od 365,4 mil. KM, odnosno uvećani su za 48,6 mil. KM ili 15% u odnosu na sredstva planirana u Budžetu Federacije BiH za 2015. godinu.

Najznačajnije promjene tekućih transfera drugim nivoima vlasti i fondovima su:

- Tekući transferi drugim nivoima vlasti i fondovima - Za implementaciju Zakona o prodaji stanova na kojima postoji stanarsko pravo planiran je u iznosu od 0,05 mil. KM, smanjen za 0,9 mil. KM;
- Tekući transferi drugim nivoima vlasti i fondovima – Za projekat utopljanja zgrada radi uštede energije, planiran je u iznosu od 0,5 mil. KM, uvećan za 0,4 mil. KM;
- Tekući transferi drugim nivoima vlasti i fondovima - Transfer za pokriće dijela penzija po osnovu priznatog posebnog staža iz člana 94 Zakona o PIO/MIO planiran je u iznosu od 109,2 mil. KM, uvećan za 20,2 mil. KM;

- Tekući transferi drugim nivoima vlasti i fondovima - Transfer za preuzete obaveze za korisnike penzija pripadnika bivše JNA po osnovu člana 139 Zakona o PIO/MIO planiran je u iznosu od 4,4 mil. KM, smanjen za 0,04 mil. KM;
- Tekući transferi drugim nivoima vlasti i fondovima - Transfer po osnovu prava demobilisanih boraca i članova njihovih porodica planiran je u iznosu od 23,3 mil. KM, smanjen za 0,1 mil. KM;
- Tekući transferi drugim nivoima vlasti i fondovima - Transfer po osnovu prava branilaca i članova njihovih porodica planiran je u iznosu od 13,7 mil. KM, smanjen za 0,5 mil. KM;
- Tekući transferi drugim nivoima vlasti i fondovima – Transfer za PIO/MIO-Minimalne mirovine, planiran je u iznosu od 6,6 mil. KM, smanjen za 0,4 mil. KM;
- Tekući transferi drugim nivoima vlasti i fondovima – Zakon o prijevremenom povoljnijem penzionisanju branilaca odbrambeno-oslobodilačkog rata, planiran je u iznosu od 59,4 mil. KM, uvećan za 3,0 mil. KM;
- Tekući transferi drugim nivoima vlasti i fondovima - Finansiranje prvog zapošljavanja i samozapošljavanja u iznosu od 20,0 mil. KM i
- Tekući transferi drugim nivoima vlasti i fondovima - Tekući transfer drugim nivoima vlasti- povrat kamata na reprogramirane kredite u iznosu od 1,0 mil. KM

#### **6142 – Tekući transferi pojedincima**

Tekući transferi pojedincima planirani su u Prijedlogu Izmjena i dopuna Budžeta Federacije BiH za 2015. godinu u iznosu od 472,1 mil. KM i veći su za 6,1 mil. KM ili 1% u odnosu na Budžet Federacije BiH za 2015. godinu. Najznačajniji izmjene odnose se na:

- Tekući transferi pojedincima – Transfer za lica sa invaliditetom – neratni invalidi, planiran je u iznosu od 130,2 mil. KM, što je za 11,0 mil. KM više u odnosu na sredstva planirana u 2015. godini;
- Tekući transferi pojedincima - za invalidnine, planiran je u iznosu od 301,0 mil. KM, što je za 5,5 mil. KM manje u odnosu na sredstva planirana u 2015. godini;
- Tekući transferi pojedincima - za pomoć u liječenju boraca-branitelja, planiran je u iznosu od 1,3 mil. KM što je za 0,3 mil. KM više u odnosu na sredstva planirana u 2015. godini;

#### **6143 – Tekući transferi neprofitnim organizacijama**

Tekući transferi neprofitnim organizacijama planirani su u Prijedlogu Izmjena i dopuna Budžeta Federacije BiH za 2015. godinu iznosu od 20,5 mil. KM i manji su za 0,5 mil. KM. Značajne izmjene se odnose na sljedeće pozicije:

- Tekući transferi neprofitnim organizacijama - Transfer za mlade 0,4 mil. KM, što je povećanje za 0,2 mil. KM u odnosu na 2015. godinu.
- Tekući transferi neprofitnim organizacijama – Demineri (TUN timovi) planiran je u iznosu od 1,3 mil. KM što je za 0,3 mil. KM manje u odnosu na sredstva planirana u 2015. godini;

## **6144 – Subvencije javnim preduzećima**

Subvencije javnim preduzećima planirane su u Prijedlogu Izmjena i dopuna Budžeta Federacije BiH za 2015. godinu iznosu od 58,0 mil. KM i smanjene su za 0,3 mil. KM, od kojih su najznačajnije:

- Subvencije javnim preduzećima - Konsolidacija rudnika uglja u Federaciji BiH planirana je u iznosu od 17,3 mil. KM, što je za 2,6 mil. KM manje u odnosu na Budžet Federacije BiH za 2015. godinu;
- Subvencije javnim preduzećima - JP „B&H Airlines” doo Sarajevo planiran je u iznosu od 3,2 mil. KM, što je za 0,4 mil. KM više u odnosu na Budžet Federacije BiH za 2015. godinu;
- Subvencije javnim preduzećima – Sredstva za uplatu doprinosa za PIO/MIO u svrhu penzionisanja zaposlenika, planiran je u iznosu od 1,2 mil. KM, što je za 0,6 mil. KM više u odnosu na Budžet Federacije BiH za 2015. godinu;

## **5.5. KAPITALNI TRANSFERI**

Kapitalni transferi planirani su u Prijedlogu Izmjena i dopuna Budžeta Federacije BiH za 2015. godinu u iznosu od 6,4 mil. KM, i manji su za 6,2 mil. KM ili 49% u odnosu na iznos iz Budžeta Federacije BiH za 2015. godinu.

### **6151 – Kapitalni transferi drugim nivoima vlasti i fondovima**

Kapitalni transferi drugim nivoima vlasti i fondovima planirani su u iznosu od 2,4 mil. KM što je za 0,3 mil. KM više u odnosu na Budžet Federacije BiH za 2015. godinu.

### **6152 – Kapitalni transferi pojedincima**

Kapitalni transferi pojedincima iznose 2,0 mil. KM i ostaje nepromjenjen iznos u odnosu na Budžet Federacije BiH za 2015. godinu.

### **6153 – Kapitalni transferi neprofitnim organizacijama**

Kapitalni transferi neprofitnim organizacijama planirani su u iznosu od 2,0 mil. KM odnosno manji su za 0,5 mil. KM u odnosu na Budžet Federacije BiH za 2015. godinu.

### **6155 – Kapitalni transferi privatnim preduzećima i poduzetnicima**

Kapitalni transferi privatnim preduzećima i poduzetnicima- Japanski grant- 2KR, Prijedlogom Izmjena i dopuna Budžeta Federacije BiH za 2015. godinu nije planiran.

## **5.6. IZDACI ZA KAMATE**

Izdaci za kamate planirani su u Prijedlogu Izmjena i dopuna Budžeta Federacije BiH za 2015. godinu iznosu od 101,9 mil. KM, što je za 1,4 mil. KM manje u odnosu na sredstva planirana na ovoj poziciji u 2015. godini.

## **5.7. IZDACI ZA NABAVKU STALNIH SREDSTAVA**

Izdaci za nabavku stalnih sredstava planirani su u Prijedlogu Izmjena i dopuna Budžeta Federacije BiH za 2015. godinu u iznosu od 21,8 mil. KM.

Važno je istaći i Zaključak Vlade Federacije BiH V. broj: 815/2015, od 02.07.2015. godine, a na osnovu kojeg svim budžetskim korisnicima odobrava prodaja službenih vozila, a kupovina novih službenih vozila nije dozvoljena do kraja 2015. godine.

## **5.8. IZDACI ZA FINANSIJSKU IMOVINU**

### **8225 – Izdaci za kupovinu dionica privatnih preduzeća i učešće u zajedničkim ulaganjima**

Na poziciji izdaci za kupovinu dionica privatnih preduzeća i učešće u zajedničkim ulaganjima planiran je iznos od 5,9 mil. KM, a učešće Vlade FBiH u projektima rekonstrukcije koje finansira Međunarodna zajednica iznosi 5,3 mil. KM.

### **8226 – Ostala domaća pozajmljivanja**

Ostala domaća pozajmljivanja planirana su u iznosu od 13,4 mil. KM i to za:

- Projekte Federalnog ministarstva energije, rudarstva i industrije i Federalnog ministarstva razvoja, poduzetništva i obrta koji se realizuju preko Union banke;
- Subordinirani kredit Union banke d.d. Sarajevo kojim Vlada Federacije BiH ima namjeru ojačati Union banku d.d. Sarajevo, te joj na taj način omogućiti otvaranje dodatne povoljne kreditne linije za privredne subjekte i fizička lica;
- Trajni revolving fond u iznosu od 6,4 mil. KM.

## **5.9. IZDACI ZA OTPLATE DUGOVA**

### **8231 – Otplate dugova primljenih kroz Državu**

Otplate dugova primljenih kroz Državu iznose 308,9 mil. KM.

### **8232 – Vanjske otplate**

Vanjske otplate planirane su u iznosu od 3,5 mil. KM i na nivou su sredstava planiranih u Budžetom Federacije BiH za 2015. godinu.

### **8233 – Otplate domaćeg pozajmljivanja**

Otplate domaćeg pozajmljivanja planirane su u iznosu od 401,7 mil. KM i na nivou su sredstava planiranih u Budžetom Federacije BiH za 2015. godinu.

### **8234 – Otplate unutrašnjeg duga**

Otplate unutrašnjeg duga iznose 144,5 mil. KM i u odnosu na Budžet Federacije BiH za 2015. godinu manje su za 5,9 mil. KM ili 1%, a podrazumijevaju:

- Otplate unutrašnjeg duga - neizmirene plaće i naknade Vojske FBiH u iznosu 0,3 mil. KM;
- Otplate unutrašnjeg duga - obaveze za staru deviznu štednju u iznosu od 2,0 mil. KM, što je za 2,5 mil. KM manje u odnosu na Budžet Federacije BiH za 2015. godinu;
- Otplate unutrašnjeg duga - obaveze za staru deviznu štednju - sudske presude - glavnica u iznosu od 0,1 mil. KM;
- Otplate unutrašnjeg duga - obaveze za staru deviznu štednju - obveznice - glavnica u iznosu od 127,8 mil. KM;
- Otplate unutrašnjeg duga - obaveze za staru deviznu štednju - obveznice - kamata u iznosu od 6,4 mil. KM;
- Otplate unutrašnjeg duga - ratna potraživanja (obveznice-kamata) u iznosu od 4,9 mil. KM;
- Otplate unutrašnjeg duga - ratne tražbine - sudske presude - glavnica u iznosu od 1,0 mil. KM, što je za 1,0 mil. KM manje u odnosu na Budžet Federacije BiH za 2015. godinu;
- Otplate unutrašnjeg duga - obaveze prema dobavljačima u iznosu od 2,0 mil. KM, što je za 1,0 mil. KM manje u odnosu na Budžet Federacije BiH za 2015. godinu;

### **8235 – Otplate duga po izdatim garancijama**

Otplate duga po izdatim garancijama iznose 0,1 mil. KM što je za 1,4 mil. KM odnosu na Budžet Federacije BiH za 2015. godinu.

## SPISAK TABELA

Redni broj	Naziv tabele	Stranica
1	Struktura Prijedloga izmjena i dpuna Budžeta Federacije BiH za 2015. godinu	6
2	Struktura prihoda i primitaka u Prijedlogu izmjena i dpuna Budžeta Federacije BiH za 2015. godinu	8
3	Struktura rashoda i izdataka u Prijedlogu izmjena i dpuna Budžeta Federacije BiH za 2015. godinu	11

## SPISAK GRAFIKONA

Redni broj	Naziv grafikona	Stranica
1	Uporedni prikaz promjene pojedinih prihoda i primitaka u Prijedlogu izmjena i dpuna Budžeta Federacije BiH za 2015. godinu	7
2	Prikaz učešća pojedinih prihoda i primitaka u Prijedlogu izmjena i dpuna Budžeta Federacije BiH za 2015. godinu	10
3	Uporedni prikaz promjene pojedinih rashoda i izdataka u Prijedlogu izmjena i dpuna Budžeta Federacije BiH za 2015. godinu	12
4	Prikaz učešća pojedinih rashoda i izdataka u Prijedlogu izmjena i dpuna Budžeta Federacije BiH za 2015. godinu	13

